

四庫全書

集部

欽定四庫全書

集部

御製詩五集卷二十四

欽定四庫全書

御製詩五集卷二十四

古今體八十二首

丙午六

山東巡撫明興奏報得雨情形詩以誌事

御史報得雨濟寧寸逮三即盼撫臣奏同日或澤霑

昨

五日巡漕御史阿那布奏初九初十日行至濟寧得雨三寸爾時即盼撫臣之奏

後三日果至

寸餘灑濟南是則九州縣依然澤未覃緩徵雖降旨米

貴民何堪海運濟艱食盛京馳諭函

茲十九日據明興奏報十三日省城

得有雷雨入土寸餘據各屬稟初十二十三等日得雨者四十四州縣自二三寸至四五六寸不等惟濟南臨清等九州縣所需不過一二寸等語該省因從前缺雨米價昂貴昨經阿桂與明興相商請令東省委員由盛京海道運糧數萬石接濟民食因思委員往返尚恐緩不濟急因即馳諭盛京將軍府尹等一面辦理糧米起運一面令明興等委員在海口接運俾早到一日貧民即受一日之益

子輿笑百步乏策

惟懷慙

曹知白山水用畫中錢惟善題句韻

老筆蕭疎不藉多空空茅屋隱烟蘿衛源憶昔曾經過

康節重逢安樂窩

詠古玉璧

製本穀也而有瑕其光乃葆却弗粲雖非良工歷歲久
穆然如晤古人面嗟彼廟堂之所執即今品類文房玩
詎惟噐哉可論世手把五經祇增歎

雨

四月十九日

西北油雲傍晚生旋聽輶輳殷雷鳴細霏甫見砌漚作
大霈遂欣簷瀑傾四刻無端徐止勢一心不盡繼霑情
曉來京兆報三寸益善多多感盼并

鳳陽

鳳陽設巡道兼以司權務職可自覲見却以卓異赴此

乃被災地宣召問民苦

叶

據稱慎查賑實鮮溝壑劇春

雨霑二麥大田胥種佈麥苗需晴曬尚有求晴處

廬鳳道王

懋德來京引見詢以地方雨水情形據稱安徽一帶連得透雨麥苗抽穗急需晴曬現在設壇祈晴等語安撫

書麟亦有陰雨日久必得晴聞之為欣慶更感

曬數日始能發榮滋長之奏

天恩顧頗符畢沅言吾詩乃過慮

昨畢沅奏豫省月來陰多晴少據老農云

麥性畏寒轉恐根莖受冷日內必得晴曬詢之廷臣語亦相同然向聞麥性喜涼此語恐出於慰朕望雨之辭

疑信參半有過日閱歷要貴多母必與母固災區民漸望兩子已愁之句

安元氣難遽復叶撫循事尚繁爾任返應速叶明當即

引見特旨傳銓部

王懿德卓異來京因其兼司樞務可以進摺請見因廬廨一帶現有撫循

善後事宜特傳旨令吏部即於次日帶領引見令速回本任辦事

子高

子高步堂下侍者譽姣麗窺井見惡狀憬然嘆興喟阿因聽齊君況於萬乘貴萬乘已應懼況於元首位偶因一攬鏡絜矩列精譬率稱鮮老狀其然豈然謂

題方方壺山水

羃歷叢林屹嚙山米顛生面別機關
仙家結習未曾化樓在虛無縹緲間

題木刻屏

巧匠爭畫史能將刀筆傳津城偏近岸
江曉正晴天茅屋雞鳴月旅人待渡船
臨風懷謝意寫出李青蓮

右江城曉渡

山村復水郭有店宿行人來往如歸舍
驅馳總識津圖

中弗著語意外別傳神似問浮生輩誰非逆旅倫

右野店晴歸

詠漢玉餅

周代輞頭器漢時改作餅後經出入土難辨蟻蚪形剥蝕多殘闕存亡付杳冥堂谿漫致誚置膽插花馨

餅雖無底

作銅膽於中原可插花也

直隸總督劉莪奏報得雨詩以誌慰

前日是間雨已欣三寸滋保陽今奏到甘霽渥逢施

近京

十九日晚間大雨傾注四刻方止次早順天府尹奏得
雨三寸茲據劉裁奏保定省城於十九日自戌至亥得
雨入土四寸於麥田秋禾大有裨益且雨勢寬廣大名
等府諒必同霑等語保陽得雨較京城更多一寸可勝
欣慰惟盼甘膏繼加以十分一十分為正殷澤望時再
霑多多益善耳

霑斯益好彼此念同之

河南巡撫畢沅續報得透雨詩以誌慰

被澤有先後發章殊早遲

據畢沅奏稱開封河南歸德陳州南陽汝寧懷慶暨許陝

汝光各府州俱稟報於初十日得雨三四寸至深透不
等又省城於十三日晚間甘霖續沛竟夜滂沱至十四
日午刻方止實為淳腴酣暢現據大河以南各州縣稟
報普獲甘霖處處深透而河北等屬亦同日均沾約有

二三四五寸不等豫省續得透雨二麥暢旺大田播種
長發蓋直隸得兩日遲而近河南得雨日早而遠先後
雖不同而奏摺到京則同日也豫燕非一地披閱却同時更幸霑遙近

益殷銘敬寅衛彰究欠渥

畢沅摺內有河北亦均霑二三四五寸之語因此論得雨

四五寸者固佳其二三寸者是向州縣是否不致妨礙即速奏聞

民隱莫忘茲

錢選錦葵百合

葵花黃映百合白漫議風吹弗遮香意寓丹心雖向日

先容有藉亦其常

題明趙宦光澄泥石函硯

泥也宛為石底兮未離去聲函符同合以兩極一具其三

質潤呵成汁形端靜且湛寒山亦曾到未見凡之南北硯

則凡之南也

詠吳之璫竹刻海蟾筆筒

一帚掃清三界塵戲蟾猶自不離身還金篇與伊誰論
彷彿其人道姓甄

署總督閔鶚元及江蘇布政使李封各奏報得雨
情形詩以誌慰

撫臣署督駐清江

江蘇巡撫開鶚元因兼署督篆暫駐清江浦

布政居吳發

奏艘

布政司李封駐蘇州省城所有各屬雨水及二麥情形就近發摺奏報

淮沛幸聞被

優澤蘇松繼報起新穀

據開鶚元奏清江浦於初十一等日連綿密雨十四日復大

雨滂沛入土深透至十五日未止並據淮徐海各屬報同時得雨五六七八寸至尺餘不等高下田疇一律霑足二麥結穗滋榮秋糧豆秋應時茁發農民於歉歲之後力田喜獲逢年同聲歡忭各屬糧價平定運中河水勢加長漕船挽運便利渡黃北上者已過一千二百餘艘安徽江西兩省膏雨處處優沾麥苗芄碩秋稼萌生與江蘇省大概相同等語又據李封奏蘇城於三月中下二旬雨膏優渥四月初二日復得透雨并據各屬及松江常州鎮江太倉等府州稟報雨水情形相同二麥芄茂秧田足資蓄水農民咸為額慶所有粥廠就食貧

民陸續散歸耕作等語大江南北甘霖普被可望轉歉
為豐實荷 天賜惟益勵敬勤仰承 嘉貺耳

黍高稻下胥芄蔚鵠面鳩形盡解懷虔謝

天恩真賜瑞表章底藉穗稱雙

詠和闐白玉雲虬壁

規圓九寸白如脂

是璧徑三寸徑一圓三為九寸

萬里和闐土浸披不

令蘇工逞新樣雲虬古壁倣為之

安徽巡撫書麟奏三月下旬晴雨應時麥收可期

豐稔詩以誌慰

去歲書麟曾報雨原稱深透麥堪收

上年書麟四月報雨摺有初四日大

沛甘霖十分深透高下水田充盈大田及時栽種麥粒益加飽綻之語嗣因夏秋缺雨遂致乾旱成災無

何旱甚稼穡槁遂致民罹溝壑愁此秦觀猶欣懼半

據書

麟奏報今歲三月下旬雨後晴霽麥田益發榮滋長迤南各屬大麥將次刈穫小麥揚花迤北鳳潁泗等屬氣候較遲大麥吐穗小麥含苞可期一律有收近省各屬又於四月初二三等日得雨五六寸塘堰充盈高下穡田乘時插蒔鳳潁等宜種雜糧之處亦俱佈種齊全糧價日見減落民情欣悅等語覽之稍慰蓋去年安徽夏初雖得雨春雨原缺今春夏雨皆好自勝去年然以前事觀之仍不免欣懼參半直待秋收方可言元氣稍復耳
耳所期登以圃場優稻田耕遍市價減誠慰誠欽待穫

秋

復雨

四月廿三日

復雨不成寸日深一日愁東南捲惜意西北望勞眸

楞嚴

經所謂
發勞也

砌土剛含潤簷泉竟未流那能期後樂惟益

切先憂

覺生寺

視朝關政典寧祇具儀文

將以明日御
殿回還宮

便路謁蕭寺拈

香祈大雲

時正望雨命僧
誦大雲經祈雨

麥麴期餅餌禾黍待耕耘敢

曰期已種去聲望恩滋益勤

北方春末夏初望雨為常甚至大田不能佈種今歲幸佈

種者多而嫩苗待潤益切傍徨

按梁武帝造寺令蕭子雲飛白大書蕭字事出李肇國史補而南史任孝恭傳云少從蕭寺雲法師讀經論則當時實以此為寺名至唐而寺廢字存李約買字以建亭於洛命曰蕭齋詳見張彥遠法書要錄至宋程大昌續演繁露始謂寺因蕭字名應專屬其寺以駁劉禹錫詩句之誤用蕭字考晉王僧孺中寺銘

云蕭宮改構梵宇方壯事在晉太元五年是蕭梁之前已有稱寺為蕭宮者况蕭寺乃蕭涼清肅之意即何晏注論語蕭牆云蕭之言肅也盖蕭寺正與蕭牆蕭宮蕭齋之意同若必泥蕭子雲事則蕭牆又何取義乎辛卯年題燕文貴秋山蕭寺圖詩有畫家說偈示塵世鮑氏偏徵蕭子雲之句

燕文貴畫卷後鮑恂詩引蕭子雲事失之

鑒矣

然引而未發茲故申而論之

德勝門外三絕句

靜宜

香山園名

迴駐御園中十日農功又不同三寸雨露仍

待澤

昨十九日得三寸雨

憑興望望惹憂忡

麥將吐穗禾抽穎飽粒滋苗正此時蘇記心殷霈目下
敢將五日以為期

春仲季頻霑雨雪大田已種麥苗芄魯論語固不欺我
患失深於患得衷

積水潭禮滙通祠

辛巳疏通潭積水逮今廿五閱流年不無淤壅應濬沿

有藉蓄瀦利運川

精水潭在城西北隅入皇城為太液池東南出經大通橋為運河辛巳年

以淤積特命疏濬並葺新祠宇名曰滙通閣今丙午又二十五斗歲久不無淤墊因命重行挑濬廣陌

紆臨視工畢

擬以四月二十五日御殿受朝先期一日進宮取道德勝門臨視積水潭挑濬工程

因即展禮滙通祠並祈膏雨

靈祠禮謁意祈虔行雲施雨胥

神惠願溥甘膏渥大田

雨

四月廿四日

卓午雲方佈過申雨始施時分時聚片

謂或密或疎絲雲

謂入夜遂酣放達晨未倦垂麥資顆粒飽禾助穎苗滋

四五寸誠有旰宵憂略夷雖然敢即慰惟益勵虔寅

承光殿

還宮御殿具常儀以雨傳宣命罷之去歲本同今歲日

昨歲亦傳四月廿五日御殿至期寅卯間值
雷雨停止有傳宣停御殿衣濕慮千官之句今年却較

去年遲

去年四月廿八日芒種時麥已結穗今年四月廿四日甫屆小滿故麥纔吐穗是今年之得雨

早於去年半月也

承光路便清堪憩太液波增朗入披起麥蘇

禾及時節益欽益戒敢嬉怡

賦得麥浪

得難字八韻
考主考試題

冬時雪積厚春令雨霑寬以此根盤固幸其穎蔚攢因
風吹作浪不水泛成瀾體物歐蘇切傳名翰墨看最欣
期餅餌奚必較綃紉舟絕漁人釣鐮增農父歡既云晴
合暖復曰性宜寒

向聞麥性喜寒昨畢沅奏老農云麥性畏寒必得晴暖方於根芽有益疑

此語乃慰朕望雨之辭詢之廷臣亦均如此但二說究未知孰是疑信參半此亦為君難之一端也孰兩

究何是為君亶矣難

守財

昔偶閱通鑑守財闢藝祖著說詳剖之茲不煩複語然

而斯兩言實出漢翟酺叶其諫寵外家文帝往事舉向

嘗

講通鑑以宋太祖云為天下守財之言為酺蓋財散則民聚但聞守位未聞守財且欲聚民必當散財今曰為

天下守之則民何以聚乎詳見書事之作茲偶閱通鑑輯覽載漢安帝時尚書翟酺上疏以外戚寵幸政移私

門昔文帝躬行節儉有譏之者帝曰朕為天下守財耳豈得妄用文帝此語有無不見史漢本紀向謂此言出

於酺祖今始知出於翟酺也然翟酺引以為規諫則仍余前作所云措大者流咨嗟嘆賞以為名談而實不宜

出諸天子之口有如文帝事有無不見諸史敘然而此馬援守錢虜之誚耳

事酺豈可出人主財散則民聚靳守夫豈可叶馬援一

武夫尚諄守錢虜

寒

早炎雨肅氣相干料峭晨生宿霽殘已著紗衣重換絮

便非黼座不妨冠

夏時間坐或不冠若臨正座觀衆未有不冠者

那虞抑勒禾

細吐却幸吹梳麥浪攢問爾恐傷根發者此時宜煖抑

宜寒

麥性喜寒素所習聞昨因卑沅秦麥性畏寒必得晴暖方於根莖有益而廷臣亦率如是云為之疑

信恭半昨因賦麥浪有既云晴合煖復曰性宜寒之句然膏雨既霑究以涼爽為宜麥也

董其昌良常仙館

崇山叢樾蔚雲烟曲注清流帶碧川置館其間作邁軸

不須修煉即神仙

題和闐玉周諸姬尊

雖未白如脂亦無瑕玷疵取形依古鑑作器肖諸姬

西清

古鑑中有此周諸姬尊圖

實厭俗新樣俾知周舊儀攸聞傳匪說永

世在求師

仲夏池上居

前朝甘霽解心中始覺拈毫興漸融得什短長以時異
誌懷憂喜歷年同乍欣麥穎如期綠那繫榴花照眼紅

有暇翻書在稽古不惟弄月與吟風

開鑑堂

靈源承玉泉加之萬泉

釀

玉泉山之水匯為昆明湖分
流向東北以至御園中申藏

復命疏治萬泉莊即其地開水田
其水亦北流歷暢春園至圓明園故此御園中池沼富

於水綴景構書堂開鑑名以此喻雖殊文皇

唐太宗嘗
言以銅為

鑑可正衣冠以古為鑑可知興替以人為鑑可知得失
茲開鑑名堂蓋取鏡水空明可資借鑑與文皇意雖殊

而理則一也然而總一理吾茲欲進之鑑人先鑑已

益思堂口號

思出於中豈由外然而交養亦相資憩堂試問得何益
插架芸編率可披

山西巡撫伊桑阿奏報得雨詩以誌慰

晉省今春雨雪優芄芃已逮麥之秋渥霑禾黍

恩叨疊

山西省今春雨雪頻霑茲復據伊桑阿奏太原等府遼州等州及口外各廳於四月十八九及

廿一廿四等日先後得雨三四五寸不等省城又於四月廿五日自丑至巳得雨五寸餘極為深透二麥秋禾

大有裨益且雨勢寬廣自必遠近均霑等語晉省甘膏屢被實荷天恩優渥也 恰值京師澤

被稠

京師亦於四月廿五日得雨五寸遠近千里同時被澤尤為欣慰惟並勵虔寅敬承

近遠同時真足喜盈虛是惕敢忘憂邇來披摺多佳信
額手惟欽何遇修

陳書山憲讀易圖

欲倣叔明讀易圖不期筆法石田俱

見圖中
自識語

幀中下半

忽齊截易理無窮寓此乎

按是幀下半樹屋坡石截然而止紙幅之窮尚餘十
分寸之三似有意止之以齊者或老人因易理無窮
作畫時故留有餘以寓書不盡言言不盡意之旨乎

題古玉英雄珮

世代商周杳莫窮，鷹熊刻珮擬英雄。
爾時尚述三王法，喻意何開五霸風。
孔處月圓淡雲白，浸來日射曉霞紅。
物之聚也必於好，去聲好古微慙訓召公。

細起花文若有神，撫無留手却平勻。
知其是玉疑非玉，謂此非珍孰是珍。
氣合古人餘沕穆，華羞時語詡玢幽。
千年遯蹟一朝現，巢許寧稱善隱淪。

湖廣總督特成額奏報二麥成熟大田勃發情形

詩以誌慰

昨年旱行江以南湖北安徽為極重百計賑救不遺力
惻療念念殷心孔

皇天悔禍蘇蒼赤今春渥澤霑邱壟安徽昨已佳信傳

昨據書麟奏三月下旬以來晴雨應時麥田益發榮滋
長迤南各屬大麥將刈獲小麥揚花迤北各屬大麥
吐穗小麥含苞可期一律有收近省各屬四月初旬又
得透雨塘水充盈稻田乘時插蒔雜糧亦播種齊全

湖北幸茲奏接踵麥多黃熟可刈獲大田勃發苗幪幪

茲據特成額奏湖北三月分春膏普沛暄潤咸宜目下
大麥黃熟漸可刈獲小麥亦吐穗揚花可卜豐收各屬

大田秧苗發生蔥茂農民
得乘時力作咸深歡慶

官糴商販蜀米通市間亦減

穀價踴

特成額又奏委員赴川買運米石即可抵楚商販亦益流通二麥將次入市從此民食日裕糧

價平減與情安貼又湖南省城及衡州寶慶岳州等屬雨水二麥情形亦與北省相同農民更慶連年實為欣

慰兩省之民數無萬力田那及逢年寵雖然元氣豈易

復休養思之益欽悚

題唐寅松溪小幅用文徵明題句韻

松翠蘿丹施之上

上聲

足知貞幹異凡流幽人翹望意有

託弗過溪橋共坐遊

詠雕漆幼齡廷試圖盒

三日試詩賦五篇立成下筆七齡年廟堂偶爾遇利器
宰執何須進賀牋却早琪乎論劉項恰同泌也詠方圓

嘉其果局能稱古

明雕漆器出果局者製最精

差勝雕花鏤葉妍

題宋辛文悅金星龍尾硯

猶是南唐開採初金星龍尾煜光舒房州特以知州事

帝業那忘授業餘李沆得來重有識

去聲荆鼇贈後不為

虛研朱因識

入聲

戒所好無翼翩來實忤予

仲夏萬壽山清漪園

雨後籌農略解顏傳宣清曉小遊山仍教速遞封章奏

那可延遲引見班

凡遇遊幸傳膳處所即辦事覽章奏宣對大臣引見官吏如常弗令稽延

守候此向例也

近沼已增玉為穀遠峯羣濯翠如鬟問心茲合

稍閒矣即景搜吟卒未閒

聽鸛館

南暄北冷殊時節先後金衣各作鳴

南方黃鸝鳴於春北方則四月杪五

月初始鳴因寒暄而有遲早之異也

豈學雙柑戴仲若祇疑喚雨作鳩聲

宿雲簷

盼雨願雲來望霽喜雲去惟當霑澤時來去骨無慮茲
臨軒之簷正值雲之宿叶衣裳不妨潤几席慣相付多
多益善候佇重霈嘉霽

藕香榭

荷葉方田田荷花尚有待榭檐題藕香四時曾弗改然
而藕之香奚妨四時在試看君子名幾曾易千載

霽清軒

山頂虛軒堪騁望野無隙地大田耕雨霑麥穗正宜曬
今日方知喜霽清

觀麥

遊山午前歸咫尺近園門門外有麥田停輿便以觀吐
穗逮將齊芄芄作浪翻宜暘更宜風綠波釀黃雲叶迴
思十日前望澤誠焦煩一雨與物殊好生胥

天恩青齊九州縣尚未聞喜言

近畿自得雨後麥苗倍見長發惟山東之濟南

臨清所屬九州縣從前雨未深透近日尚未據續報得雨深為繫注耳

孰非吾赤子南望

愁仍存

端陽日作

昨晡微雨曉雲開應節聊酬景物催思義端陽惕消長

五月為一陰始生之月重五為十又地十之數此節名端陽實寓扶陽抑陰之義古人命名之義深矣陳

嬉競渡禁喧逐紅榴綠艾供清賞江硯宣毫攄別裁却憶承

歡十年閱悵然真似望蓬萊

端陽日於福海西岸望瀛洲亭子觀龍舟對面蓬萊

瑤臺在湖中昔年奉聖母觀龍舟處也

山東巡撫明興奏報濟南等屬得雨情形詩以誌

慰

青齊膏澤被東南

先據明興奏山東登萊兗沂等屬四月望前得雨者四十四州縣惟濟南

東昌臨清等九州縣所需不過一二寸

省會九州縣未覃

歷城等九州縣雨澤未曾霑足

大田不能一律播種因即降旨該九州縣本年應徵新舊錢糧緩至秋成後徵收以紓民力

廩問昨

經馳驛騎報霑今已達封函

昨因東省近日未報得雨降旨馳詢茲據明興於未

奉傳諭之先奏報五月初五日省城地方自辰至未得雨入土三寸四野均霑附近之齊河長清禹城均於是

日雨三四寸不等雖二麥不免歉收而已種之大田藉資長發未種者乘時播種甚為有濟等語

幸逢

嘉霽日之五普被沃郊寸以三

東省以端陽日得雨附省州縣被澤均在三寸

以上且據明興奏稱雲勢濃厚得雨處尚多俟續有報到彙奏等語覽奏稍慰惟尚欠優渥仍殷盼望耳麥

固歛收大田潤未臻優渥尚憂擔

項聖謨林亭釣艇圖即用其韻

螺溪草閣今何在

用其自識語

此畫原從醉李

出公羊

收即境

因思作圖者呼之欲出在層樓

題永樂雕漆小盤

松鶴之間撫爨材是誰高士坐相陪小山欲聽淮南操

不為去聲高山流水來

河南巡撫畢沅奏通省麥禾情形詩以誌事

豫省連年饑洊臻麥秋接食望尤諄欣披驛遞呈祥牘

預報夏收卜滿圉

據畢沅奏前赴嵩嶽虔申報謝沿途察看土膏沃潤禾苗暢茂大麥已

經黃熟將刈小麥亦已秀實四月廿五日密縣途次復得甘雨三寸來年精氣充盈顆粒更加飽滿早穀高粱棉花俱及時長發徧野青蔥農夫僉稱今歲大河以南膏澤優霑麥禾豐稔數年來所未有甚為歡慶等語

河北歟惟四州縣

又據奏開封歸德河南陳州南陽懷慶汝寧暨許陝汝光各府州所屬麥

未雨水情形大畧相同其彰德衛輝兩府屬之安陽封邱等十二屬亦於四月中旬得雨田禾足資接濟惟衛

輝之汧縣淇縣新鄉彰德之內黃等四屬
得雨尚欠暢足二麥約收亦有五分等語
向隅憐切萬

民人究之慰不勝憐憫加意撫綏勅撫臣
豫省據報各

其汧縣等四屬雖止一隅但積歉之餘麥收歉薄民力
仍不免拮据實堪憐切因即批諭亟當加意體恤毋使

向隅

廣潤祠請雨

前月霑甘澤又將廿日過

近京自四月廿五日得雨四
五寸後迄今兩旬雖雨逢陣

雨俱未
成分寸

崇祠謁廣潤靈雨冀滂沱倏忽數年閱

昆明湖上舊有
龍神祠庚午

年新葺之名曰廣潤未
至祠瞻禮者已閱數年
徘徊五字哦溪堂成小憩庶政

問如何

祠旁鑑遠堂是
日傳膳辦事

鑑遠堂

寧云鑑遠在漣淪絜矩萬幾胥此寅適有中丞達民瘼

遴差荆楚往勤詢

是日都察院奏湖北江陵縣民控尅
減賑糧一案因命署尚書李侍堯侍

郎勒保即日馳往查審勤求民
瘼鑑遠之意正在此不在彼也

月波樓口號

湖上層樓號月波月波之趣竟如何偷閒來亦片時去

佳景終難一揣摩

登望蟾閣極頂作歌

崇閣構來已多年却祇四登兩登頂

乙亥年因母大慶阿里家所

備做武昌黃鶴樓三層木料給值築於此歷年以來雖四登惟庚辰甲申兩登其最上層作歌暢目甲申

今復閱廿年駒隙光陰真似騁古稀有六步尚強拾百
十級消俄頃問斯老健以何得身每習勞心守靜詎惟
養體此要詮夕惕朝乾胥是省昆明湖及萬壽山其餘
事耳偶眺領

降旨山東被旱各州縣借給口糧並緩徵新舊錢

糧詩以誌事

山東被旱九州縣緩徵秋糧早降旨

前據明興奏濟南東昌臨清屬內歷

城等九州縣得雨未能霑足已降旨將本年應徵新舊錢糧緩至秋成後徵收以紓民力詳見誌事詩因

循毗連復望澤其數蓋不止九已

茲據明興奏濟南東昌臨清所屬及毗連

地方春夏來雨水短少麥收不無歉薄其被旱稍重者歷城德州齊河禹城平原陵縣長清聊城莘縣堂邑東

平東阿平陰陽穀壽張觀城范縣聊城臨清等十九州縣被旱稍輕者章邱鄒平長山新城淄川齊東冠縣恩

縣館陶博平茌平清平樂安博興壽光萊蕪肥城蒲臺霑化汶上邱縣濮州等二十二州縣雖間被

雨麥歉定

東省雖於四月望前得雨又於端陽日近省州縣得雨三四寸然二麥已屬歉收民力不

無拮据

禾黍種待秋遠矣况均去歲被災後大異前年稔

可恃

去歲東省雖被災然賴前年秋收可以支持至今春被旱則是海臻饑饉並鮮蓋藏矣

民艱

大吏詳悉陳嗟哉恫瘝懷切已借糧有等緩徵均

歷城等十

九州縣及坐落衛地被旱稍重者降旨借給兩月口糧章邱等二十二州縣及衛地被旱稍輕者借給一月口糧

糧其應徵新舊錢糧除歷城等州縣業經緩徵外其餘德州齊河等二十六州縣及衛地俱緩至秋成後徵收

俾貧民既資口食並免催徵令該撫等率屬實心經理毋致一夫失所

丁寧體恤勤經理

滿期今歲民少蘇誰料依然仍有此調幕無能益自慚

忍弗盡心救赤子

西直門外即事

孟夏下浣雨滂沱竟罷視朝此路過

以四月二十五日視朝進宮適廿四

日雨勢滂沱遂命罷朝還御園

值齋還宮復由此將彌月乃晴日多其

間陣雨未普被

四月下旬得雨後晴又彌月雖五月初四等日雨逢陣雨惜未普被嗣後連日

密雲作勢而甘霽未霽殊切盼望

穗亦結麥苗亦禾灌漿

麥

潤根

禾

待膏

霽其如密雲不雨何雷聲率催東南往東南齊或邀

恩波竚俟亦未見信至而齊較此旱尤苛

昨明興奏東省被旱稍重

者共十九州縣其稍輕者二十二州縣雖已降旨分別
借給口糧并新舊錢糧一律緩徵而座念無刻釋懷救
之直省尤殷也近觀遠望總萬目即事七字徒吟哦

山東巡撫明興奏報得雨詩以誌慰

隔日山東奏牘來下旬甘霽渥霑茲

據明興奏省城於二十日自子至巳

得雨五寸四野均霑并據近省之濟南東昌泰安武定
等府及臨清州所屬之齊河等二十一州縣均於是日
得雨三四五寸及深透不等未種之地一律翻犁播種
已種者發榮滋長民情甚為歡慶是日雨勢連綿雲氣
濃厚各屬霑被必廣等語未經犁地堪播種已拔苗田資潤培歉麥
固憐無及矣幸禾仍冀有收哉不遺民賴

天恩溥曰感曰欽仰

昊垓

夏至日

方澤禮成述事

大衍重開紀躬行惟代三

余臨御五十一年每歲方澤皆親詣行禮惟乾隆五

年十三年及四十八年遣親王皇子恭代多年承

佑厚方寸感

恩覃黃幕面臨北金圭影短南黍禾侍長上聲候膏霽籲

垂甘

河南巡撫畢沅奏報得雨詩以誌慰

豫省昨年旱甚齊今春豫雨勝齊今麥登場後逢大需

據畢沅奏豫省二麥成熟刈獲將竣茲於五月十九日
晚甘霖大需竟夜滂沱入土透足且雨意未止霑被甚
為廣遠現在大田長發之際早穀高粱棉花根苗旺盛
滋液充盈下隰高原豐腴彌望其麥田收穫後更得及
早翻犁播種晚禾蕎麥豆雜糧即河北稍歉之汧縣一帶
亦可催令補種秋稼以待西成日來新麥上市糧價驟
見平減閭巷歡騰又稱據藩司江蘭赴工查勘經過歸
德開封所屬之睢州蘭陽及中牟等處均報同日得雨
四五寸不等覽
奏為之稍慰
田甫獲欣重起犁額手窮民庶蘇息慰

心佳信未遲稽殷勤兩省

謂山東河南

稍紓望淮北依然封

劄俟

淮南一帶辛雨暘時若惟淮北邳宿各處稍覺望雨昨已降旨馳詢該督撫等佇望封章速至

啟蹕幸避暑山莊之作

昨經

方澤致虔衷啟蹕應臨避暑宮惟是撫綏法

皇祖非因遊豫暢吾躬送鑾萃已盈百辟策馬勤猶望
八翁董子曾云在勉強外王內聖要胥同

密雲行宮晚坐

昨近京畿又澤溪密雲四寸報霑畦

昨據劉戡奏密雲縣於五月二十六

日得雨四寸是日京城一帶不過一二寸

茲來果見黍生勃更喜羣稱麥刈

齊行趁曉涼還到早坐披爽籟遂成題志書新舊孰誠

信何暇與徵厚隄奚

按一統志載密雲東北口外漢置厚奚縣後漢曰隄奚魏書密雲郡

治提攜城即隄奚之訛又舊志據舊唐志燕樂縣舊治白檀城謂即古隄奚而新志又疑其無據按厚音題隄音易音本不同乃或云厚奚或云隄奚甚或訛提攜新舊異說又不載何年改名徒覺詞費並見記載不足憑也

過九松山口號

千霄幕嶺鬱重重過雨遙看翠更濃數典由來祇稱九
為明乾象老鱗龍

要亭行宮對雨

六月朔日

昨夜輕雷雨密雲曉晴烟潤驛程分駐輿過午英英蔚
憑檻中庭霰霰紛不疾不徐空宇繪如笙如筑溜簷聞
西南望喜陰容重庶渥甘膏利耦耘

留京王大臣等奏報得雨詩以誌慰

前夜密雲雨不過一寸餘今日甫出關

是日出
古北口

佳音接

奏書澤比密雲優五寸深霑濡

留京王大臣奏京師於五月三十日未刻得有

陣雨入夜雷雨交作自戌至寅入土約有五寸現未晴霽於秋未大有裨益等語其日駐密雲得雨不過寸餘

次日驛要亭亦得雨五寸實堪欣慰也

麥收固已定

今年近京麥收祇六七分不及去年大

田渥茂如茲已入六月時行或弗渝惟祝晴雨均何敢

心釋予

至避暑山莊即事

陟降廣仁度峻岑山莊在望鬱雲林圖安烟火孳民戶

昔皇祖詠山莊詩有萬家烟火隨民便之句茲閣閭庶戶口倍增欽念

貽謀垂裕益深感仰之誠

興學濟蹇接子衿

乾隆丙申歲於此承德府興建文廟定府州縣學額并每科鄉試中額

一名十年以來文教振興衿士迎鑒者濟濟向曾有句云菁莪雅化捷影響蓋紀實云

鄧市雖欣

歌樂歲

連年口外都有收

山田頗覺待甘霖

目今畧覺望雨

輕雷送雨

未成寸敢即慰滋惕以欽

永佑寺瞻禮

莅止山莊此稅轅一年風月迅高奔屏營肅操瞻

神御追憶髫齡侍

御園曰顯曰承欽

浩浩惟乾惟惕撫元元豫齊幸得稍蘇息何莫非蒙

呵護恩

去歲至山莊瞻禮時正屋山東河南雨澤愆期有旱驟深念豫之區之句今歲豫齊兩省均據

報甘霽涯霑窮黎幸稍蘇息實仰

慈恩垂佑樂利蒙 庥也

松鶴齋瞻禮

不敢奉

神御

松鶴齋為向來恭奉故每歲至山莊必敬詣瞻拜亦如

慈寧之所今設几筵如壽康宮

思慕寺之例禮緣義節不敢供奉 神御也

空悲設几筵每來必瞻拜欲

去重遷延庭院閱千古光陰閱十年

丁酉至今倏忽十年矣 松蒼

鶴聲寂迴望祇湛然

溥仁寺

精藍武列左到必肅瞻來本是藩屏建

此寺於康熙癸巳年衆蒙古王

公等為

皇祖恭祝六旬萬壽

所建迄今七十餘年

其孫曾輩

聚爵者每歲秋蒐迎鑾扈從

並見

仁恩

溥徧服教弗謏也

依然侍從陪

奎章煥鳳翥

寶訓仰鴻裁世出世間法溥仁兩字該

夜雨

六月初六日

山田覺旱為祈霖到即山雲佈密陰作陣晚風徒過日

初五日
微雨

霏空翼日尚希心何期入夜霈佳霽便至達晨

非滯靈臺吏報稱霈四寸多多益善意斟堪

西峪

前至山莊山尚蒼

四五月此
間缺雨

昨宵一雨山漸綠乃知周

詩不我欺靈哉實贊洪鈞軸餐遑荷葉樂遊魚

甲辰此
處缺雨

草未長發庶嚙荷葉充飢昨年雨早霈故有庶舍荷食
草之句今歲四五月間此處又缺雨近方屢得甘霽原

草日見勃生庶可食草不致嚙荷葉庶入湖嚙荷
葉魚必驚故云餐遑荷葉樂遊魚亦體物之意耳 啮飽

蘭芽澤羣鹿山中佳景故如斯喜在農田歌潤沃今朝
西峪不孤來七字成吟紀遊目

題秀起堂

翠華三日甫臨停日日都逢霽雨零昨夜更欣霈優渥
塞原徧喜潤畦町出楹不靳白雲白俯檻全呈青巘青
萬景秀憑一時起廓風真箇契稱靈

雨

六月初九日

好雨奚妨益善多曉來雲復蔚巖阿不為雲霄原非驟

却喜悠揚真是和餅餌雖云憐失麥

此間四五月頗缺雨麥收歉薄自駐

蹕山莊以來連霈甘膏昨初八日晚間細雨至初九日卯刻悠揚綿密復得雨四寸餘午未間方止於大田甚

為得濟

倉箱幸可冀登禾何時何地忘農功更復何時鬢

髮皤

澄觀齋

武列引川水御湖斯據源

山莊由東北門引武列水為御湖是齋近東北門實據水

源翠雲聳後壁綠玉繞前門觸目澄心所勅幾觀化原

每出山莊門必先臨是齋傳膳辦事 三言

惠迪吉

惠迪吉額為
皇祖御書懸齋中

聖訓萬年存

翠雲巖

不須舉白賦容容過雨欣看翠
越濃衆木叢中松百尺
昌黎曾是說從龍

一年來必一題詩似此仍餘九
歲期歸政便當罷吟筆
謂岩斯願可能斯

寥芳書屋得句

澄觀齋右側餘地構書堂雲壁四時翠

正對翠雲岩
歷年皆有詠

編萬古芳惜駒如隙過得免並蹄忘選字題檐額謝家
思義長

餐腴室口號

地近北門別一區傳餐每此憩斯須歎他玉食稱方丈
饜飫詩書有別腴

虬翠樓

久得就松法

就松者就古松而築室若築室後種松則
侍長須數十年故有詩云山齋每以就松

為又有古松不可移
案室就臨之句

高樓復就松暢觀齊落落佳蔭挹

濃濃不改冬和夏漫猜虬即龍若論鱗長上聲處九九倍

猶重


霞鮮樓

翠雲巖壁迴參天樓學黃岡非背旃

樓窓以竹式為之
非真竹樓也又義

山雜纂謂背山
起樓為歛風景

却是山靈具神解蒸霞朝暮與為鮮



御製詩五集卷二十四

欽定四庫全書

集部

御製詩五集卷二十五

欽定四庫全書

御製詩五集卷二十五

古今體七十四首

丙午七

對山齋作歌

山莊何處不對山而何此齋擅乎已是猶人孰不讀書
可稱讀書人有幾必當虛受於其外更須深飫於其裏
乃為弗空對山與讀書然而於齋猶易於人則難矣擬
十年後歸政作閒人獨坐此齋而究對山讀書理

吟餘齋口號

避暑年來每夏居東塗西抹厭紛如
即茲七字成八义
雖曰吟餘興尚餘

遲雲榭有會

翠雲巖乃虛擬名遲雲榭則實攬景然而虛實雲豈知
為主為賓在人領巖之雲翠榭雲白翠其恒境白幻影
觀其虛者恒以存翻憐實者幻非永偶此遲雲得靜觀
炙轂之辯難為逞

題馬琬幽居圖

溪幾迴中峰幾環幽居真合稱去聲高閒依稀似是曾經

處逸興遄飛到攝山

棲霞本名攝山
幽居其一境也

訝是王家荷葉皺閱知文壁畫傳神祇宜居此謝塵務
却我原非箇裏人

詠壺盧合子

懸瓠何嘗有定容規之成器在陶鎔外模設矣得由已
中道立而能者從繹義有符鑄人法摘詞無匪慕

前蹤壺盧器自規每得佳器屢經題詠以志率由皇祖命苑監創製至今遵奉成苑

丞種出呈盤覆貯水沉堪佐靜供

雨

六月十二日

邇日易為雨間去聲時亦朗晴希無繼霑慮懼有作靈情

笑太不知足難辭鮮定衡誰云此遊豫愁總切農氓

烟雨樓得句

山莊所弗歟者山亦如水國弗歟水而此御湖中有樓
斯勝漈湖之樓矣前此塞田頗覺乾甫經駐蹕逢霖美

舟行小艤眇烟波接上落空莫形擬瑤林或近或復遙
銀竹時霏時亦止茲已佳哉慮其過攬景愁弗勝乎喜

喜晴

六月十三日

自予斯駐蹕晴雨間

去聲

連辰前甫真優渥

十一日

昨微覺

數入

聲

頻

十二日

愁因霖勢作喜以霽光新愁喜渾無定笑

非蘊藉人

留京王大臣奏報京畿晴雨時若詩以誌慰

京畿四百里而遙彼此霑膏弗隔朝

自到山莊頻霑甘霽初八日晚間細

雨至初九日得雨四寸餘茲留京王大臣奏報京師亦於初九日得雨五寸初十日復雨勢甚滂霈入土極為

深透等語
天恩優溥實深欣感可識

天恩優以溥益深予感晝而宵七分還幸麥薊實

順天府麥

收據奏報七分藉資接濟近又溥得透雨大田芄茂秋成可望惟益增乾惕耳
苗際此惟增虔鞏意泰然敢作滿之招

題錢選廬仝烹茶圖

紗帽籠頭却白衣綠天消夏汗無揮劉

松年

園年

益

傲事

權置

石渠舊有年益茅舍間吟圖卷後復得劉松年烹茶圖卷取以比較邱壑位置與年卷相同蓋劉先

有此圖而牟傲為之然兩卷均未自標圖名劉卷則唐寅跋為玉川子烹茶圖得存其真而牟卷則收藏家未考率題為茅舍閒吟圖向各題詩識其孟簡贈盧全原委并同弄一篋使彼此互相印證云烹

韻庶幾

盧全有謝孟諫議寄新茶詩又有常州孟諫議座上聞韓愈貶國子博士詩而未著何名按唐

書孟簡字幾道工詩元和中官諫議大夫出為常州刺史以時代官爵考之當是孟簡也卷易幀斯

奚不可

劉松年年益兩圖俱橫卷而此錢選盧全烹茶圖乃作立幀文人揮翰縱橫如意固無不可也

詩傳畫亦豈為非隱而狂者應無禍何宿王涯自惹讖

詠和闐玉穀壁

穀壁今無用存羊愛禮宜嘉茲乎尹質肯付俗工為祈

歲義堪寓寸陰競並思嫌存琢刻跡會有撫平時

古穀
壁徒

見其紋而撫之若平茲肖為之者不能無斧
鑿痕然歷年久後自亦當撫之若無迹也

河南巡撫畢沅奏報續得透雨及查辦地畝情形

詩以誌事

豫民逢歉救燃眉減價良田賒鬻之

畢沅奏省城於六月初五六日甘霖

大沛酣暢滂沱入土十分深透且雲氣濃厚沾被廣遠
又據奏該省因連歲不登有產之家往往變賣餬口近
更有於青黃不接之際將轉瞬成熟麥田減價鬻賣雖
以致山西等處富戶聞風赴豫放債準折地畝等語雖
遇豐年仍失業因勤方伯為陳辭既懲壟斷惟貪利
晉省

富戶赴豫放債準折地畝致災區之民雖遇豐年無田
可種所關甚大因節次降旨命該撫等剴切曉諭徧行
宣布並傳諭晉省紳士令其寄信原籍俾鄉
里親黨各發天良共敦任卹毋得居奇壟斷亦禁地迴
弗與貸畢沅又奏稱現在查辦災區賤售地畝恐其中
有無藉之徒恃有查辦諭旨竟思白佔地畝不
歸原價請令買主將原契呈出官為追償等語所奏甚
得大臣為國之體豫晉民人皆朕赤子無分畛域畢沅
前後所奏盡心籌辦公正可嘉因降旨將畢沅及隨同
查辦之藩司江蘭交部分別議叙並將前後所降諭旨
交該撫等刊刻
宣布咸使聞知
不忍齊刑先設訓哀矜惟益自慙斯

去歲

去歲季夏駐山莊亟為豫齊盼甘雨後幸悔灾需嘉霽

麥雖失收穫晚黍

去歲駐蹕山莊時正值河南山東望雨有日日豫齊繁遠心之句嗣據畢

沅奏河南於六月初二三日得雨明興秦山東於初五六日得雨雖麥收失望而秋田有獲藉資接濟而

何旱氣轉南行淮徐荆歙灾更苦

上年河南山東雖幸得雨而下江之淮徐

海及上江之亳州蒙城等處界連齊豫轉未得霑渥澤湖北之江夏等州縣亦因缺雨秋成歉薄節次降旨截

漕蠲賑詳見乙巳年誌事諸詩今年各處蒙轉旋春膏優渥農功舉

今歲

河南山東江蘇安徽湖廣等省俱荷

天恩春膏優渥二麥有收農功克舉入夏以來節次奏報雨澤滋復

據畢沅奏到河南於六月初五日甘霖大沛入土深透又明興奏東省七十六州縣得雨又據特成額奏湖北

省城於五月二十及廿一二三等日連沛甘膏極為霑足并近省之武昌漢陽兩府屬俱稟報相同山左

失麥祇數縣晚田得雨亦種溥

前因山東歷城等九州縣缺雨麥收較歉茲明

興奏省城於六月初八日得雨三寸四野均霑并各屬報初五六七八等日得雨者共七十六州縣自三四五寸至深透不等秋禾溥種發榮滋長民情歡悅日來正當大雨時行溼澤普霑俟稟報續到時再行馳奏等語

南望額手感

天恩益塵兢業銘心所

題文園獅子林九疊前韻

展卷笑先軒且渠謂多事矣畫詩書幽居早是殊倪瓚
畫寢還當戒宰予偶此幾餘適遊豫幸無軍冗計儲胥

甲辰駐蹕山莊時籌辦甘省逆回故七疊韻詩吟成九
有却仍軍務遙塵彼那得忘懷此樂胥之句

疊十全什應罷重題前例如文園獅林九疊前韻已成
十全此後應罷重題亦依

前涿鹿
行例也

清舒山館

獅林一水隔山館好赴幾餘試憩遊樸室芸齋信娛意

祖思孫受憶從頭少常疊疊期無忝老益孜孜恐遺

去聲

羞冀更

去聲

十年歸政後於斯舒志享清酬

敬題含德齋

德之所包廣曰含義亦殊含藏訓已蘊含被訓物俱在
已貴蘊藏方為有若無在物貴廣被恩施普濺濡

聖人示大端來者共勉諸

登澄霽樓

每登澄霽樓率值快晴際間

去聲

亦冒雨陟乃祈副名字

固非塵農功時若籲

天賜想六十年前或協

聖人意

暢遠臺口號

方喜優霖又欣霽紆懷今日偶登臺伊犁萬里關方寸
一字暢寧容易哉

題謝時臣幽風圖

大幅原屏幃裁裱想有年徒稱七月景未備八章全

是圖

寫授衣為裳瑾戶剥藁築塲納稼諸景而於幽風八章全詩未備當是大幅屏幃裱池時經俗工割裂者謂

是臨朝者胥宜置座邊印名類贗作反覺汚樗仙

圖有時臣

二字名印甚新篆法亦不佳按明謝時臣號樗仙藝苑危言稱其能畫屏幃大幅有氣概此圖實非時臣不能

作惟名款先經喪手割去而後人
復印以偽名印轉為楞仙之累也

詠鹿角椅

五月生茸八月强

月令五月鹿角解舊角解則新茸生至八月角强壯能抵格矣取之

無盡獵之場俗稱那數

上聲

四足椅

俗呼坐凳為椅子蓋以坐具後有倚也見

正韻奢製還嗤七寶床坐式禮經毋不敬用欽

家法守惟長

盛京尊藏聖祖時鹿角椅

太宗時鹿角椅山莊有
椅壬午年命工倣製並題

以句云詎是仙都遺從思家法存亦敬承堂構之意

詰戎示儉胥殷此雖曰高

齡敢弗覆

遊獅子園憶舊

憶昔初居此纔知數與名

予六歲時始隨皇考來居此

逮今七旬

過

今歲正七旬有六

奚異片時更內學聖何有外施王底成惟

瞻

兩世筆慙愧繼繩情

樂山書院口號

既霑時雨愛新晴邸簾來遊一暢情前沼依然水半涸

樂山今日不孤名

獅子園內河惟藉西山諸水流注成池不似避暑山莊園內本有溫泉又

引武列之水以故湖河水富今歲四五月此處缺雨故
池水多涸茲雖被渥澤祇利農田而池水則尚缺然此
時正宜晴池水略缺何害

妙高堂

妙則無不高高益增厥妙相資相得彰斯堂薈其要千
峯濯雨足萬林朗曦照有欲無欲乎大塊文章竅靜晤
合忘言那更觀其微

待月亭

亭據崔巍巔東望先得月

當年坐待之

高閒興無歇而我尚髫齡那知問

指倡茲惟事勤政五旬年一瞥

以踐阼紀年也

無暇夕來茲四

柱付孤兀

題宜照齋

獅園小憩轉山莊門入石城齋在傍便可據牀玩東壁
寧須副額待西陽萬幾於照胥宜慎一晌會心正不妨
構築設詢年久近庭前樹總覺陰長

却炎榭

山莊避暑據全體雲榭却炎別一家李杜豈曾讓郊島
泰山不讓
土壤之意無妨各自擅風華

就松室

本非松就室無室孰知松相資相得彰有似龍雲從松
自恃古今室原可西東因悟人所為那如造化功

敞晴齋得句

巖齋近北嶺輕輿乘便到霽景正澄鮮曦光晶衆峭凭

軒憶歷年佳哉副名號然率因愁霖有愁喜方覺叶於
此愁喜中弗辭髮宣造

繪韻樓

敞晴齋右首曲折下迴廊却有書樓接遂憑冰牖方繪
真超畫格韻喜在林光生動難為狀端勝倪與黃

清綺書屋口號

書屋東廂信雅宜雙文清綺括言詩略嫌題額當年誤
左右圖書位轉移

敞晴齋居右為繪韻是圖畫左為清綺是書史律以
左圖右史其位似倒置因戲及之然向以觸景偶題
政無區區方位之念也

荷二首

通閨今年節候遲塞荷夏季始開池適纔陟降由清綺

敞晴齋
書屋名

兩字傳神此遇之

草木花皆草木本水華藕本出波中

藕非木
亦非草

漫言君子名

無據七竅根分聖者同

藕皆七竅亦如九頭柑雖間有
多少一二辨者而大率皆同藕

之七竅
如之

漕運總督毓奇奏報清口復淤江西漕船有阻運

未能過淮者詩以誌悶

去歲清水微幾致漕船誤幸因截留多更加督飭屢上

因督河諸臣挑濬運中河時不赴上游未放水以前連
建脾座以致水無攔蓄一洩無餘又值淮徐一帶缺雨
水淺沙淤南漕北上時節節阻漕臣毓奇張堂無計
因節次馳諭該督等悉心籌畫並嚴行督飭令其設法
催趲仍將薩載李奉翰降項戴示罰後屢次降旨截留
南漕接濟上下江民食以故漕船抵通之數減於常年
幸無遲誤詳見
上年誌事諸什
尚有抵通者並分北倉貯迴空未阻凍

復命重臣赴

上年三進漕船可以抵通無誤迴空者即馳諭毓奇等飛輓前進其尾後數幫趙辦

不及者傳諭劉我明興於東省水次及直隸泊頭北倉等處酌量起留俟今春再行撥運抵通俾全漕回空不致遲延凍阻復念清口為南北咽喉關係甚大因命大學士阿桂前往會同督河諸臣察看受病根由為之主持熟籌妥議

善後籌今歲築壩蓄清禦

叶嗣據阿桂奏本年清口淤

墊因湖水極小黃水又值盛漲以致倒灌惟有借已灌之黃水以送迴空蓄積弱之清水以濟重運並請築壩攔蓄湖水俟來歲重運北上即可啟壩下注以資浮送即准行之

春季河臣報清口已

暢注旋復遷就辭南望增憂遽

今春據李奉翰奏二月內將洪澤湖五道引河

之張福口太平河先行啟放續據奏三月初將裴家場通湖引河開放並將束清臨黃及新建東壩遵照硃筆

指示處所相機啟折使清水向東北直趨下注濟運刷黃形勢暢順等語因降旨復還原職嗣又據李奉翰奏三月望後黃河桃汛水發黃水高於清水四尺餘以致迴溜復行倒漾仍請將攔河壩工暫行堵閉俟黃水退落清水力壯再行開放因復命大學士阿桂前往河工會商熟籌為主張然自此又塵南顧之憂矣 茲

接漕臣奏清弱黃仍淤致江西尾幫未渡淮如故 茲

據

等奏五月初七日清口一帶水勢陡耗清弱黃淤以致漕船淺滯不能前進自三牕以南淮安寶應運河水勢長落不定河身偏窄幫船魚貫而住江西之饒州九江等幫船皆停泊在平橋寶應一帶必須俟河口船隻挨次過渡方能銜 順勢開引渠起撥勤諸務 臣李奉翰酌尾抵淮盤驗 量形勢於順黃壩尾另開引渠一道尅日完工開放後口門水勢稍深等語又據奏稱淺滯漕船有將船米起

空並將蓬梳等項起卸淨盡始得僭挽出口又李奉翰
奏現將張福口引河啟放因傳諭令其再行酌量開放
一二道以資挹注南漕各幫運丁連年疲困雖節次加
恩賞賚竭力調劑而今歲復值舟行淺滯牽挽維艱現
當大雨時行之候惟有早晚虔籲速霽愧無排滄方徒
甘霽以冀河流暢順幫船趕行無滯耳

切宵旰慮嗟嗟諸運丁受困何頻劇加恩綬調劑豈似
順流速目今時行候虔籲霽佳霽

倪瓚溪亭山色

粗疏老筆是其長此獨溪亭布景詳想欲不名一家耳
故當夢見傲嗤王

倪瓚自題畫云與趙君善長商確作
獅子林圖真得荆關遺意非王蒙所

夢見云云
茲幘溪亭山色佈景周密於
雲林另是一格正亦自出新裁之意

題古碧玉夔壁

碧玉亦珍古土浸如古銅
謂為夏商器手持輕似蓬肉
好雖依度却琢作瓊瓏斯誠罕所覩難以問考工

靜坐齋中偶爾成詠

幾餘無事齋中坐忽忽七旬望八旬
雖未凍梨逮耄耄
且欣碩果具精神不為疲樂此弗倦恒以德修其又新
祇擬十年歸政後息肩方可作閒人

河道總督李奉翰協辦河務安徽巡撫書麟奏清

水長發及開壩減黃水情形詩以誌事

昨據漕臣奏黃水復淤清以致江西幫尚於淮陰停

昨據

毓奇奏五月初七日清水一帶水勢陡耗以致清弱黃
淤漕船淺滯江西饒州九江等幫船皆於平橋竇應停
泊必須俟河口船隻接次
過渡方能銜尾抵淮盤驗恐蹈去年轍切切為不寧茲

接河臣奏

天佑靈雨零季夏月上旬優渥霑時行清水長七尺禦

黃刷沙并因更煞黃勢壩放王家營

茲據李奉翰等奏
淮安清口一帶自

六月初六日以來初八九及十一二等日雷雨如注霽
需優渥湖水逐日加長高堰誌椿已至七尺三寸淮揚
運河水勢倍加深暢兩岸浮沙刷滌寬深江廣重運足
資浮送仍一面遵旨將裴家場張家莊天然等三道引
河次第開放一面將王家營減壩開放使黃水由鹽河
減掣既減黃水之勢復助清水之力自可乘勢暢出刷
沙重運即可
遄行等語 重運或可進得以速達京并據書麟報安

徽麥價平通復屢需甘溝澮皆充盈

同日據書麟奏安省各府州屬報五

月連次得雨四五六七八寸至尺餘不等六月初旬以
來又復得雨三四寸至七八寸不等通省各屬得雨普
遍需足溝池塘堰處處充盈禾苗發榮暢茂米
價較前平定麥價大減農民歡豫倍常等語 斯則益

增慰慰仍增惕情獨是漕臣疏尚未以時呈

閱李奉翰書麟所奏

為之稍慰惟漕臣為之意躊躇南望猶怛怛
惟冀漕艘

毓奇尚未據奏報
至助毓奇由驛馳奏
南望仍殷懸注耳

陝甘總督福康安奏甘省時雨普霑田禾有望詩

以誌慰並書扇賜之

甘省年來若雨暘福星民幸慶安康因知往歲官為蠹

向年甘省因王直望揔灾冒賑歲歲報旱而實無旱侵
蝕監糧各屬從風效尤及事敗露大加懲創分別治罪
詳見辛丑年
言志諸什
並識協時政貴良高下田胥霑澤渥東西

河可卜秋穰

據福康安奏據蘭州鞏昌平涼慶陽寧夏
西寧等府秦階涇等州所屬於四月中下

旬並五月上中旬旬各報得雨深透麥豆青標暢茂秋未
早者出土遲者播種齊全其甘涼肅州等屬亦於五月
十六七日得雨並賴渠水溉潤禾苗滋長陝西夏收豐
稔通計九分現在雨水均調秋田長發民情欣悅至寧
夏各渠壩牖加砌墜增築高厚之處均一律趕辦全完
放水倍加暢駛上下田疇澆灌齊足等語甘省向來控
灾冒賑自福康安抵任後一洗積弊且年
來雨暘時若轉歉為豐深慶封疆得人也慰心書策遙
為賜布我薰風敬以費

觀瀑二首

觀為目食聽耳食耳食易過

入耳之聲
歇則無有

目食存

入目之
色尚存

心非亭子兩言額觀瀑

聖人體物示精源

舊詠新題歲歲添空中振鷺座中瞻詎為十目和十手
豈不嚴哉却不嚴

曾子之語釋誠意也飛瀑無心任人觀之何嚴之可
畏

永恬居

居額循名責實重梓材引養啟予胸君臣諭告辭先後
文義早經疑九峰

我

皇祖以永恬名此居蓋取周書梓材引養引恬之義蔡
沈集傳以為欲其引掖斯民於生養安全之地而又
申之曰自古王若茲蓋即商頌所謂自古在昔先民
有作也君若臣所當共凜者惟集傳稱一篇之中前
則尊諭卑後則臣告君不可得而強合意者此篇得
於簡編斷爛之中編書者以為文意相屬遂編次其
後沈所疑是矣因復考王安石吳棫朱子皆以為他

書錯簡而秦鏐所刻九經書序後按語亦稱今王惟
曰以下若臣下進戒之詞非命康叔之書不可強合
今另起行云云則是九峰以前已早有疑之者并或
另為起行以別於前文而今本則直接惟其塗丹雘
之下不另起行耳因題永恬居檢書有會附識於此

素尚齋

逐處由來貯縹緗山齋即是讀書堂循名於此宜何在
義在中庸十四章

遊創得齋誌事二十韻

初到此覺旱幸得甘膏零間

去聲

作五日間乃透霑畦町

繼斯數日內雨霽每互更遂復懼霪霖以正值時行忽
忽半月間何曾一暢情今朝乃晴定浮雲天際征試一
為山遊觀瀑澄清聽塵心一以滌無復餘怍怍肩輿入

西谷永恬居略停更由西而北蒼山胥轉青

始至山莊以四五月

間缺雨山色猶蒼繼而甘膏普渥時雨時晴秋禾茂草木豐茸向之蒼山悉為浮嵐暖翠矣造化功

迅哉萬物資生成慰心詎祇茲晚田欣起耕峰迴川繞

處秀木嘉蔭橫野橋據石澗澗下幽泉鳴曲棧凡幾折
巖齋面前呈黃緣入松關石磴陟崢嶸據牀延峭蒨畫
圖奚足稱舊題巡壁讀新句點筆賡庚辰至於今自庚辰於
此構書齋曰創得題句云記取拈毫最初句從今廿五
有暇便來吟至今丙午每至留題凡二十五年
歲月經視之如一瞬創得信副名

枕碧樓

創得齋傍兩架樓千林高枕碧如流咄哉漫謂無虞事

思日孜孜勵先

去聲憂

過嶺至梅檀林得句

東西一嶺隔陟降例依前陟覺遲難矣降斯速易焉足
談萬理要可喻六經詮調御花龕坐非禪即是禪

天籟書屋

四卷貯斯項氏符

明項元汴貯書畫處曰天籟閣茲書
屋所貯元汴賞鑒畫卷凡四米芾雲

山烟樹一吳鎮梅竹松蘭一徐賁眠雲軒
圖一唐寅採蓮圖一均有天籟閣印記云輸他閣上富

藏圖甲辰憶過嘉興路却惜子京蹟久無

甲辰南巡過
嘉興惜其閣

與名蹟均無存者有雲烟散似飄天籟之句至其印記
不知何時收入內府又幸其不落賈人手藉假亂真耳

澹軒

巒頂難為池方塘無半畝夏雨優渥霽乃得波瀾有澹
然暎小軒風月隨所受心偶與之俱聊以擬亭帚

澄霽樓

初至山莊即盼雨既雨侵尋遂盼霽似此多欲不知足
暘雨難從無厭意却思此或殊已私籌農兼念行旅利
然其求全意總同何辭多欲多愁致今朝雲淨快晴定
拾級高樓方滿志更恐滿志即近驕戒之慎之銘七字

觀射

扈園行賞例應然觀射分其等次焉

臣向例秋獮扈從諸臣先期分日於宮

門前較射中三矢及四五矢者分別等次賞賚馬匹銀兩有差

右屈左支國所重心平

體直道之詮仍教兒輩代身先

去聲自庚辰臂痛以來雖不身先示度仍命

隨從皇子步射以志無忘

家法莫忘

家風以意傳屢中承

歡茲坐此

余自十二歲恭侍屢中荷蒙

天語褒嘉故已卯射詩有屢皇祖臨門試射每因

中親承

仁祖歡之句自壬寅至今丙午凡六十四年矣

深慙六十四年前

河道總督李奉翰協辦河務安徽巡撫書麟奏清水

暢達漕船迅渡情形詩以誌慰

河臣奏清盛並減黃之勢

昨六月二十日據李奉翰奏淮安清口一帶霪雨霽需湖水逐

日加長高堰誌椿已長至七尺三寸現在一面遵旨將裴家場張家莊天然等三道引河次第開放一面將王家營減壩開放清水自可暢出既慰仍縈望漕臣奏未至況昨刷沙等語詳見昨誌事詩

漕臣疏清口仍淤閉雖設法挽救無奈阻艱致九江十二幫寶應停水次待至淮盤驗益致久延滯小舟迎往驗此

實權宜計

六月十四日先據疏奇奏五月初七日清口水勢陡耗以致清弱黃淤江西九江等十二幫船

皆停泊在平橋寶應一帶不能抵淮盤驗因乘小船南下
即於水次逐幫迎盤以備趨行過淮不致耽遲此實權宜
善計也 今日接河臣清長上八尺暨兼得西南風暢出刷黃

利台州前幫船渡黃銜尾濟未同漕臣報漕臣南往異六茲

月二十五日據李奉翰書麟奏黃水自開放減壩後消水
八寸清水因本月十二三四日大雨加長九寸連前長至
八尺二寸湖水已屬有力更兼連遇西南大風湧送湖水
五道引河滔滔暢達較量清水已高於黃水一尺一寸勢
屬建甌台州幫船三十九隻於十九日迅速渡黃後幫銜
尾前進其浮沙停積之處刷濬日漸寬深等語覽奏實為
慶幸因降旨發帑令於風神河神等廟叩謝以昭
神貺至漕臣毓奇尚未據奏報蓋因南往寶應一帶水次
迎往盤驗不知清水續慶幸誠殊常
長是以未及會奏耳

天佑

神助賜惟增敬以惕敢曰斯湍志

漕運總督毓奇巡漕御史管幹珍奏報渡黃通順

簽盤全竣情形詩以誌慰

隔日漕臣遞奏章清流暢出刷沙黃

六月二十九日據毓奇等馳奏自開

放王營減壩後黃水漸減兼以連日大雨清水加長河
臣等遵旨將五道引河全行開放河水暢出下注力足
敵黃十九二十等日嚴督在前淺阻之台州等幫趕緊
備渡至二十四日清水更加旺盛河口水勢均有三尺
以外已過漕船一百一十六隻迅令北上在後漕船趁
水備行現在派委備弁多備划船防護漕艘以期穩速

所有江西饒州等十二幫船已逐一簽盤完竣跟接過行約計七月初十日前後重運可全數渡黃北上等語

渡船銜尾貨無棄盤舸迎頭米率良

毓奇等又奏簽盤各幫米色均屬乾

潔亦無虧短及例外多裝土宜喫水過深之弊較以去貨物等件亦不致有拋棄實為公私均便也

年時尚早况逢通閏日猶長

上年三進尾幫漕船於七月二十二日始催入山東

境今據毓奇奏尾幫於七月初十日前後已可全數渡黃比較上年尚早十餘日况今歲又閏七月為日更長

可為欣慰閱之實切心欣慰虔鞫惟殷敬不遑

七月朔日作

此日秋之孟農占宜是晴曉雲避天淨午時熾炎生停

詠心惟惕晚陰意益怍略霏虹見睨始慰五言成

驟雨

七月初二日

農諺最忌二日陰

農諺有不畏初一雨却畏初二陰之句

曉旭朗輝萬山

翠晴定已乎未敢必時時騁望弗安意過午族雲西北

生雷聲驅雨倏忽至肩輿急急返山齋豎灑橫排恣霧

霏巖泉澗瀑噴配藜僕從霑衣例有賜須吏雲散遂放

晴庶弗致靈害農事但祈明朝大放晴山阪倉箱或可

冀

河南巡撫畢沅奏雨水霑足並贖田畝等事詩以

誌慰

麥收既報豐大田胥種早幸復屢霑膏秋禾可卜好今

河南春膏優渥二麥有收秋田播種齊全茲據畢沅奏
開封河南等府許陝等州屬稟報於六月初五六日得
雨三四寸及深透不等初七八日各屬間段得雨復於
十二日午刻省城雷雨滂沱傾注數時入土酣足近省
一帶沾被相同粟穀高粱發生旺盛漸有抽穎含苞者
棉花種植亦廣晚秋及各項雜糧一律長發青猗彌望
新麥登場後市糧充裕價
值大減農民拊慶等語 稽首謝

天恩豫民生可保更喜贖田事酌劑得中道

前經畢沅
奏豫省災

區地畝有晉省富戶赴豫放債準折之事已節次降旨
曉諭今該撫等妥協辦理毋致偏枯嗣復據御史莫瞻
萊奏請照月報糧價坐扣麥收之值因令畢沅酌量查
奏茲據畢沅奏自奉旨減利聽贖以來現據各屬稟報
回贖者甚多兩造均無異詞若照莫瞻萊既不致偏枯
所請轉覺紛紜合無庸議所辦頗為得當

亦防胥吏擾無藉紛科條

贖田一事節次降旨諄切勸諭為之調劑變通原不過欲

豫民得還故業晉民亦不致偏枯無取煩擾紛更求詳
今該撫藩等辦理已有成效所謂在人不在法也

益致撓曰慰既曰俞為政原無巧

文徵明獨坐看泉即用其韻

獨坐屢屢意何託山崔錯處水擬然欲詢縱目凝思者

視聽既亡那是泉

詠和闐玉饗饗觚

和闐貢美玉量

去聲

質製成觚無取俗時樣教摹博古圖

圓方品殊矣饗饗戒存夫久弗為飲器簪花佐詠娛

古松書屋作歌

自我到山莊盼雨復盼晴忽忽度夏季萬慮紛吾縈今
朝風日殊清好遊山遂與窮窈窕窈窕既出矗峻挺是
則古松之真境度勢祇築亭一間却弗再三頻往還每

來亦必吟一度恰似六經之士奚可容易與對言向之
萬慮都付無何有揖古松曰前身後身南華叟

簇奇廊口號

書屋長歌坐片時巖廊沿降厯嶽奇每思奇究不如正
遂命肩輿速過之

題山近軒

復自岫囂降有軒山之心却弗誇廊朗端惟悅靜深樂
山仁者志因名實可尋了當先克已進之曰在欽求仁

庶近乎五字當自箴

賦得清溪遠流

清溪亦有源却不出山園西北千峰聳東南一派溪流

惟過雨壯澗或祇名存

山溪因高赴下其流甚速弗雨率澗極常見溪流慮雨或過多

也今歲波常見畧嫌副實繁

千尺雪二首

無須武列溯源遠即此清溪流亦長滙則漸成涇以渭

到茲雪色訝微黃

絳雪雖稱作瑞看吾心究此未能安胥知雪是雨之凍

絳雨瑞乎辯實難

漢武內傳仙家上藥有絳雪嗣是沿襲承用遂以絳雪為瑞按雪即雨因

遇寒氣凝結而成若以絳雪為瑞則絳雨亦可謂之瑞雨乎文人摘字惟務新奇而不顧理之難通每有此類修辭所以貴立誠也

玉琴軒

是處富於水軒齋點綴臨引來色成玉聽去響皆琴豈獨清耳觀去聲却原契道心宮商即工尺於此證元音

按世俗於樂律以五六工尺上等字為音不知即古

樂之宮商角徵羽也昨歲曾諭樂部諸臣將所奏樂
章每字駢注宮商角徵羽及五六工尺上字令樂工
肄習俾之引俗入雅庶復元音之舊因詠玉琴軒並
識

兩江總督李世傑安徽巡撫書麟奏呈瑞麥詩以
誌事

歛徽昨歲被災深言念灾黎時切心幸得

恩膏霑翼翼那全元氣復林林茁根米粒資饑命

昨歲
安徽

被災蠲賑不遺餘力幸今歲春來屢次得雨二麥有收
然元氣豈能驟復先經書麟奏太湖縣鄉民它歲得有
黑米千餘石貧民藉以充飢又奏泗州河灘生有菑菜
灾黎它根煮食以資接濟歎歲聞之每為憾然皆有詩
紀事茲李世傑書麟復奏蒙城阜陽建平三縣及宿州
地方均獲三歧雙歧麥穗函封呈覽灾區麥稔稍資接
濟惟欽
天貺
三穗雙歧漫瑞吟宣付弗行滋忸怍
為瑞朕惟慙愧視
佑民
之弗宣付史館也

天貺謝惟欽

詠宋澄泥五嶽真形硯

澄以泥為質堅如瑞作形

赤玉為瑞見詩
義衣如瑞注

氣呵珠吐潤

露滴墨霏馨五嶽真傳嶽六經未見經

五嶽真形之文
不見六經蓋出

道家祇宜贈逸少搶筆寫黃庭

題吳雲谿午納涼圖

卓午炎歊不可當
屈屨高士坐相將
知他別解在喬樹
陰蔽曦光籟送涼

碧天

碧天淡且清
雲斂萬峰晶
行旅辭愁凜
黍禾爭怒生
西南吐一片
霏灑旋

去聲

時晴斜照原
高暴洗車許
副名

七月

八日雨曰洗車見歲時雜記今日午
後微雨霏灑旋即晴霽適副此名

招涼榭

今歲逢閏秋七月如六月炎曦熾溽土蒸熱歎猶勃水
榭曰招涼循名實弗越崇陰下石壁爽風拂林樾對以
清淨心淖暑去如忽幼齡承

歡地瞥眼宣白髮景物故不殊繼繩力勉竭

江南總督李世傑河道總督李奉翰奏開高堰二

壩情形詩以誌事

向愁清弱致侵黃即慮盈虛清有強降旨諸臣應早識

留心高堰莫疎防

去歲清水甚微以致黃淤清口漕船淺阻然予慮及盈虛消長之理清水

必有旺盛之時屢經諭令督河諸臣於高家堰一帶隄防工段先事熟籌茲於七月初三初九等日據李世傑等先後奏稱洪澤湖因六月下旬大雨如注湖水連前長至一丈三尺有餘水勢浩瀚其運口東清壩已遵旨展寬五十餘丈禦黃東西壩亦加折展寬至五十餘丈俾清水暢出刷沙敵黃等語奏來二壩茲先啟諭去下河慎後殃
因李世傑等前奏有山盱五壩封土現在實力堅守之語隨傳諭以上年亢旱日久高寶諸湖乾涸足資儲蓄若開放兩壩俾清水宣洩入湖預備將來水小濟運足資容納似更妥善茲據李世傑等續奏山盱五壩內義智兩壩亦遵旨將封土啟除開放過水所辦尚合機宜但義智

兩壩已啟若湖水仍有加長之勢復將仁禮等壩啟拆
又恐宣洩過多必淹及下河復諭令清水如再加長莫
若將清口東西壩再行折展俾清水暢出刷滌淤沙而
下河田畝不致有碍方為兩有裨益其瀕臨運河之車
運等壩亦令加土謹守不得令其過水淹及下河何處
民田方為有益各處民艱無不繫懷以求萬全也何處
非民非赤子胥籌全美惕無違

詠和闐玉石子

一塊玉石子玉水產和闐國圖受土浸蓋幾千百年玢
璘含絳華詎同出幽壑欲以全其真弗肯付雕鐫絜矩
為政方胥應任天然

唐寅層巖策杖即用其韻

峻嶺深中足佳致惜惟隔斷以烟霄
支筇欲上層樓望
無礙凌溪蹠野橋

江南總督李世傑河道總督李奉翰奏黃河洪澤

湖盛漲堤岸各有漫溢即用前韻詩以誌事

隔日奏來清與黃一時並漲勢雄強
清侵南岸已難禦

黃漫北堤又莫防

七月十一日據李世傑等奏初三四日大雨滂沱清水黃水及運中河之

水同時並漲山安黃河北岸李家莊及湯家莊二處先後漫塌隄工五十餘丈及八十餘丈不等清江迤上北

岸之二井縷堤淮關迤下南岸之周家莊縷堤亦均於
初四日漫溢過水各塌寬十六七丈又將清江南岸千
根旗桿迤下之五孔橋隄工漫缺水從
玉帶河旁溢以致清江一帶被淹等語

原在意中非吏

懈此事朕於春間即早慮及蓋盈虛消長之理實在意
中連年黃強清弱知清水必有旺盛之時屢經先事
訓諭李奉翰等於高家堰一帶隄工加意修防熟籌妥
辦該督等亦尚能凜遵朕諭將束清禦黃各壩展寬又
將山盱五滾壩次第啟放使得暢流分洩柰清水黃水
及運中河之水同時並漲又值疾風暴雨人力難施搶
護不及非去歲貽誤可比此次實不忍治伊等之罪所
有李奉翰奏請交部治罪李世傑書麟請嚴加議處并
疎防各員弁另行參
奏之處均予寬免
惟申恩沛救民殃
李奉翰等寬免
處分惟當公同
熟籌一面先將漫口兩隄頭盤鑲裹護不令塌寬一面
備料趕緊堵築以期要工速藏仍諭令該督等設法籌

辦尾幫漕船俾得尅期渡黃迅速行至淮安各屬上年被旱本重今又秋禾被淹小民生計更加拮据諭令該督等即派員分勘酌給口糧盡力撫卹灾黎毋使一夫失所何辜淮土蘇旋因曰惕曰慙雨不遑此次清江漫水幸在白晝不致損傷人口又高堰堤工得保平穩實先事預防之效惟淮屬上年被旱後今歲甫得麥收接濟旋被水災深堪憫惻惟勅地方大吏極力撫卹並深兢惕宵旰不遑耳

梅檀林對雨

七月十二日


快晴歷六日時行不為霽昨夜間

去聲

作雨曉霽晶千岑

輕輿試問山遂造梅檀林書軒小憩坐片雲忽霏霖雄

飛勢莫當簷瀑立注斟峰巒
修藏畫澗谷胥鳴琴來疾
過亦速半刻徂雲沉野蹊
率已乾迤邐歸路尋情知弗
礙農慮過已縈心



御製詩五集卷二十五